



ILLUSTRISSIMO NOBILISSIMOQUE VIRO,  
 D. D. HILARIO ROÜILLÉ  
 DOMINO DU COUDRAY,  
 REGI AB OMNIBUS CONSILIIS,  
 & in Regali consilio, Consistoriano Comiti, Ærarii  
 Directori.  
 PATRONO SUO COLENDISSIMO.



QUÆSTIO MEDICA,  
 QUODLIBETARIIS DISPUTATIONIBUS  
*manè discutienda in Scholis Medicorum, die 7ovis*  
*vigesimâ-octavâ Junii, 1703.*  
 M. JACOBO FOURNEAU, Doctore  
 Medico, Præside.

*An Pili sint partes corporis viventes?*

I.



ILLI, *αἱ τεύχεα*, sunt corpora exilia, teretia, flexilia, plûs  
 minùsve protensa, variè in variis animalibus colorata, è  
 cute prodeunt, propriâ circumscriptione definiuntur, cor-  
 pori hærent firmissimè, nec modò ad ornatum utcunque, sed  
 etiam ad partium tutelam & operimentum seu munimentum  
 animalibus obtigerunt. In partium viventium numero haberi  
 minimè possunt. Corpus enim vivens est machina seu symme-  
 trica compages plurimarum partium integrantium, consistentiæ, molis, & figuræ

diversa, à principio intrinseco aspectum fugiente motarum, ad opus obeundum ad quod destinatur, comparata. Igitur corpus vivens plurium diversarumque functionum capax est, hujusmodi sunt nutriri, moveri, crescere, &c. Hinc multi ex eo, quod pilos crescere animadverterunt, viventes esse corporis partes statim putavere. Verum non aliter crescunt & augentur, quam inaninata corpora, lapides, metalla. Hæc non intussusceptione, ut loquitur schola, sed juxtapositione novarum particularum augmentum sumunt, absque ulla in omnes dimensiones extensione; simili planè ratione pili ad radicem duntaxat, novâ appellente materiâ, ulterius protruduntur, & in longum tantum promittuntur. Itaque cum non humore intrò adacto nutrantur, nec quoquoaversum ampliuntur, propriè non aluntur vel increseunt.

## I I.

**P**ILOS communi corporis vitâ frui, totique coherere multa, quæ pilis contingunt, persuadere videntur. Siquidem earundem ferè permutatorum sunt participes, quibus ceteræ corporis partes ætatum mutatione obnoxie deprehenduntur. In infantia, ut partes solidæ tenerrimæ, sic pili tennes sunt; in crescente ætate, hi indurantur & extenduntur, illis indurcentibus & anescentibus. In senectute desiccantur, coloremque sensim amittunt cæterarum partium more. His adde, pilos rastos & tonsos recrescere, determinatum habere terminum, quo ulterius progredi non possunt; quin & ex iis stillat sanguis in illo morbo, qui Plica Polonica dicitur. Magno sanè argumento pilos, inquit illi, qui in partium censum revocant, valis sanguineis donari. Præterea contendunt pilos fibris nerveis non carere, quibus vicinis partibus alligati sunt; in subitaneis enim terroribus cæterarum partium modo convelluntur, & mæore canescunt, neque antè natus illis redditur color, quàm partes aliæ, quæ simul in hisce pathematis immutata fuerant, in pristinum statum restituta sint. Urgent denique pilos vegetare & crescere epiphytorum instar. Ut enim cuspida, epithymum bulbo quodam tanquam radice in corticem plantarum interiorem insiguntur, unde alimentum recipiunt: sic pili radice albâ & bulbosâ reticulari cutis corpori inscuntur, à quo succum nutritium accipiunt.

## I I I.

**V**ERUM rem attentius consideranti patebit, pilos nec partes esse cæteris nostrî corporis partibus similes, nec herbas humano corio implantatas, sed duntaxat supervacanea liquida è glandulis secreta, in peculiare cutis tubulos protrusa, inibi spissata, atque in stamina solida flexiliaque mutata. Pili plantæ sui generis malè dicuntur, nam si microscopio à basi usque ad apicem inspiciantur, nulla in illis bulbosa, villosaque, ut somniant nonnulli, invenitur radix à subcutaneis fibris producta, quæ succum nutritium è partibus quibus implantatur, suscipiat: nec magis ceruntur vesiculosi tubuli adeò decantati per totam pili longitudinem, ut in

caulibus herbarum excurrentes, per quos alimentum distribuatur: nec denique excretoria vasa, quæ alimenti superfluum excrementum rejiciant. Pilus è solis fibris longitudinalibus conflatur; totus, ut arundo, pervius est; quod in rigidis porcorum setis manifestè sine microscopii ope conspicitur. Hæ enim facilè in recta fila folliculi bombycis aut telæ aranæ staminibus similima finduntur.

## I V.

**P**ILI fibrarum subcutanearum propagines non sunt, quibus nec continui nec connexi. Id ostendit inspecta radix pilorum juniorum animalium recenter mactatorum, quæ gelatinæ instar liquida invenitur, quod etiam conspicitur manifestè in brevioribus barbæ pilis volsellâ eradicatis. Hæc pilorum gelatina taurino glutini aquâ fervente liquato similima comperitur; manibus pertractata, dum calida est, extenditur, &, ut gluten, refrigerata in corpus solidum, flexile & diaphanum concrevit. Volatiles sanguinis sales & crassiora adipis sulphura gluten istud componunt, ut Chymica analysis demonstrat. Varius capillorum color ex illius fusi glutinis colore suam ducit originem. Pili nigri sunt? glutinis color pici liquatæ similimus existit: flavi aut rufi? flavum: albi? candidum amyli pultis instar; sicque de cæteris coloribus pilorum pronuntiandum est. Observantur curiosi, hoc gluten varios spissitudinis gradus acquirere pro variâ pilorum extensione, aded ut in breviori pilo mollius sit, durius in longiori, durissimum in prolixo; tuncque pilus crescendi finem facit. Attamen raso aut tonso pilo deperdita glutinis mollities redit, gradatim iterum amittenda, novæ accretionis ratione.

## V.

**I**GITUR Pili finguntur ex glutine suprâ descripto, quod glandulis secretum & per peculiare cutis tubulos transmissum in filum teres exit diductum. Totum hoc formaturæ mysterium ob oculos ponet exacta partium quarundam cuti subjectarum anatome. Sub cute præter adipem innumeri glandularum ordines latent. Quilibet ordo ferè margaritarum ovalium filo similis, rectè à membranâ communi muscutorum, aliave illius vicem gerente, ad internam cutis superficiem excurrit. Proxima cuti cujuslibet ordinis glandula interræ ejus superficiei immediatè adhæret, quam fistulosam nuncupare placet, spongiosa enim est, multisque foraminulis pervia, vesiculosos involucri tegitur, quod deinde in tubulum formatum ad extimam usque cutis superficiem prorepat; hic tubulus diaphanus est, ob id Crystallinus vocandus. Non omitendum est, è centro glandulæ exurgere exiguum vas excretorium, è quo stillat humor pinguis pilorum flexilitati inserviens. Glandula verò ipsa spongiosa, ex porulis suis profundit gluten pilorum materiam, quod in tubulum mox recensitum propulsum, tanquam in proplasma, in pilum

figuratur. Hoc opus promovent jugis affluxus glutinis & glandulæ compressio, quæ <sup>hæc</sup> torcularis instar liquidum gluten in tubulum Crystallinum jugiter exprimit, sicque cogit extra corium exire, sub forma pilorum.

*Ergò Pili non sunt partes corporis viventes.*

Domini Doctores disputaturi.

*M. Alexander-Petrus Mattos.*

*M. Alexius Littere, à Regia Scientiarum Academia.*

*M. Petrus Cressé.*

*M. Claudius Bourdelin, Serenissima Ducissæ Burgundia Medicus ordinarius.*

*M. Petrus-Joannes Burette, Chirurgia Professor.*

*M. Michaël - Alexander Denyau.*

*M. Joannes-Franciscus Foy-Vaillant, à Regia numismatum Academia.*

*M. Ludovicus de Vaux.*

*M. Abrahamus Thevart.*

Proponebat Parisiis PLACIDUS SORACI, Messanenſis,  
Baccalaureus Medicus. A. R. S. H. 1703.

---

Apud Viduam Francisci Muguet, Regis & Facultatis Medicinæ Typographi.